

全上古三代秦漢三國六朝文

全後漢文目錄

光武帝 卷一至卷二

明帝 卷三

章帝 卷四至卷五

和帝

安帝 已上卷六

順帝

桓帝 已上卷七

靈帝

少帝

獻帝 已上卷八

明德馬后

章德竇后

和熹鄧后

順烈梁后

桓思竇后

獻廢伏后 已上卷九

臨邑侯復

東海王彊

沛王輔

東平王蒼

廣陵王荆

梁王暘

清河王慶 已上卷十

劉玄

李淑

李軼

劉盆子

王昌

盧芳

隗囂

方望

方陽

張立

公孫述

李熊

荆邯

楊春卿

楊厚 已上卷十一

侯霸

伏湛

伏隆

張純

張奮

桓譚 已上卷十二至卷十五

蔡茂

申屠剛

蘇竟

竇融

竇憲

竇章

竇武 已上卷十五

鮑永

鮑昱

鮑德

歐陽歙

鄧暉

朱勃

馬援

馬廖

馬防

馬嚴 已上卷十七

馬融 卷十八

范升

陳元

杜林

杜詩

第五倫 已上卷十九

馮衍 卷二十

吳漢

馮異

任光

任延

蓋延

邳彤

耿純

臧宮

董崇

來欵

來厯

朱祐

耿弇

耿舒

耿國

耿秉

耿恭

朱浮

蒼頭子密

已上卷二十一

鄭興

鄭眾

趙熹

梁統

梁松

梁竦

梁扈

梁商

梁冀

已上卷二十二

田邑

王元

王遵

班彪

已上卷二十三

班固

班超

班勇

已上卷二十四  
至卷二十六

丁恭

尹敏

樊宏

樊儵

樊準

孫福

嚴光

鍾離意

祭彤

辛臣

方儲

董鈞

劉般

劉愷

戴涉

張汜

樂俊

衛宏

董宣

禮震

桓榮

桓郁

桓麟

桓彬

桓儼

宗均

宗意

已上卷二十七

杜篤

朱暉

朱穆

已上卷二十八

任末

曹充

曹褒

吳良

馬第伯

韋彪

謝夷吾

鄭弘

觀恂

宋元

孔通

鮑駿

朱輔

已上卷二十九

袁安

袁閎

袁紹

袁術

袁敘

袁渙

袁微

已上卷三十

張禹

張酺

丁鴻

王充

賈逵

楊終

徐防

郭躬

周紆

樂恢

孔豐

孔僖

孔季彥

陳寵

陳忠

王阜

梁鴻

梁松

先有梁松非卽此  
已上卷三十二

魯恭

魯丕

胡滕

劉毅

劉駒駘

張敏

應順

應奉

應劭

已上卷三十三  
至卷四十一



應瑒

黃香

黃瓊

黃琬

已上卷四十二

傅毅

劉廣世

張霸

殷彤

孟雲

賈宗

張林

何敞

任尙

已上卷四十三

崔駰

卷四十四

崔瑗

崔琦

崔寔

已上卷四十五  
至卷四十七

李邵

李固

李燮

周磐

杜崇

龐參

王堂

已上卷四十八

呂蓋

鄧騭

鄧耽

許慎

許沖

舒承梵

養奮

鄭璩

張皓

張綱

高慎

霍融

曹鳳

法雄

唐羌

尙敏

蘇順

史岑

楊倫

已上卷四十九

李尤

卷五十

楊震

楊秉

楊賜

楊琦

楊彪

楊脩

已上卷五十一

張衡

卷五十二至五十五

葛龔

劉珍

虞詡

朱寵

胡廣

已上卷五十六

王逸

卷五十七

王延壽

翟酺

張俊

杜喬

岑宏

施延

祝諷

孟希

河南尹祉

張璠

馮緄

堂谿協

堂谿典

已上卷五十八

左雄

周舉

劉光

樊長孫

吳磐

丘訢

已上卷五十九

陳龜

郎顗

已上卷六十

段恭

陳球

陳珪

陳登

高賜

申屠蟠

皇甫規

虞恭

滕撫

李咸

霍諝

延篤 已上卷六十一

邊韶

史敞

史弼

趙岐

趙息

趙爽 一作趙嬰 已上卷六十二

田羽

郭正

陳蕃

周景

鄭彬

爰延

陳寔

陳紀 已上卷六十三

張奐

張芝

張昶

張猛

張敞

前漢有張敞此同姓名

段熲

趙典

趙溫

宰宜

袁著

劉淑

劉梁

已上卷六十四

劉楨

劉陶

已上卷六十五

侯瑾

高彪

廉品

秦嘉

李雲

趙芬

史枳

但望

趙咨

裴照

張磐

審忠

劉洪

朱寓

牟脩

一作牟脩

劉瑜

劉琬

已上卷六十六

襄楷

荀爽

荀悅

荀彧

荀攸

已上卷六十七

臧旻

臧洪

寇榮

張儉

郭泰

徐稚

戴良

范冉

一作丹

楊喬

陽球

何休

朱儁

王允

董卓

已上卷六十八

蔡邕

卷六十九至卷八十

陸康

尙書令囂

謝弼

何進

仇靖

盧愼

盧植

孫堅

夏育

馮光

陳耽

一作就耽

曹鸞

卑整

陳雅

傅燮

傅幹

已上卷八十一

張升

鄺炎

黃翻

諒輔

張文

胡母班

劉岱

劉焉

劉璋

劉表

樊毅

趙壹

張溫

程苞

和海

張均

許永

王芬

已上卷八十二

孔融

卷八十三

蓋勳

韓卓

鄭玄

趙商

張逸

汜闓

張超

邊讓

黃忠

吳匡

士孫瑞

已上卷八十四

陶謙

公孫瓚

韓馥

橋瑁

呂布

李催

田豐



沮授

審配

已上卷八十五

劉熙

王商

宋衷

穎容

司馬徽

許貢

梁紹

田疇

李固

先有李固見卷四十八此李固同姓名

李術

張紘

已上卷八十六

禰衡

潘勗

高誘

仲長統

已上卷八十七至卷八十九

王粲

卷九十至九十一

陳琳

卷九十二

阮瑀

徐幹

繁欽

已上卷九十三

路粹

丁冲

丁儀

丁廙

崔琰

毛玠

王脩

鮑衡

霍性

華佗

皇甫隆

張松

關羽

周瑜

魯肅

呂蒙

已上卷九十四

宦官

曹節

徐璜

朱瑀

呂強

趙祐

蹇碩

已上卷九十五

列女

曹世叔妻班昭

樊調妻梁嫗

趙宣妻杜泰姬

陳省妻楊禮珪

趙瑛妻李文姬

張亮則妻陳惠謙

竇立妻

秦嘉妻徐淑

楊彪妻袁氏

丁廙妻一作丁廙妻

已上卷九十六

闕名

詔令 上書 上言 奏議 臺敕 符狀 頌贊

銘 誄已上卷九十七 碑 墓磚文 行狀 祝嘏 雜文

流賊

黃巾

外國

南匈奴單于屯屠何 鄯善王安

釋氏

嚴佛調 闕名

僊道

褚善信

陰長生

鬼神

鮮于冀

劉伯文

盧耽

已上卷九十八至卷百六

大凡全後漢文四百六十九人

大凡全後漢文一百六卷

全後漢文目錄終

全後漢文卷一

烏程嚴可均校輯

光武帝一

帝諱秀字文叔南陽新蔡人景帝七世孫王莽地皇三年與兄  
續起兵于宛更始卽位曰爲太常偏將軍行司隸校尉進破虜  
大將軍封武信侯行大司馬事呂平王郎功封蕭王尋拒命不  
就徵曰更始三年六月卽位于鄴南定都洛陽改元二建武中  
元在位三十三年諡曰光武皇帝廟號世祖

制書報耿純

建武六年

侯前奉公行法朱英久吏曉知義理何時當曰公事相是非然受

堯舜之罰者不能愛己也已更擇國土令侯無介然之憂

後漢耿純傳注

引續漢書

封更始爲淮陽王詔

建武元年九月辛未

更始破敗棄城逃走妻子裸袒流冗道路朕甚愍之今封更始為

淮陽王吏人敢有賊害者罪同大逆

後漢光武紀

曰卓茂為太傅封褒德侯

元年九月甲申

案東觀漢記漢書並作宣德侯

前密令卓茂束身自修執節清固斷斷無他其心休休焉夫士誠

能為人所不能為則名冠天下當受天下重賞故武王誅紂封比

干之墓表商容之間今曰茂為太傅封褒德侯食邑二千戶賜几

杖車馬衣一襲絮五百斤復曰茂長子戎為大中大夫次子崇為

中郎給事黃門

後漢卓茂傳執文類聚四十六御覽二百十又書鈔五十二引漢官儀

差錄功臣詔

二年正月庚辰

人情得足苦于放縱使須臾之欲忘愼罰之義惟諸將業遠功大

誠欲傳于無窮宜如臨深淵如履薄冰戰戰慄慄日慎一日其顯

效未酬名籍未立者大鴻臚趣上朕將差而錄之

後漢光武紀

赦詔

二年三月乙未袁宏紀作三月乙酉

其赦天下。惟殘賊用刑戮深刻。獄多冤人。朕甚愍之。自今已後有

犯者。將正厥辜。

載文類聚五十  
二引續漢書

惟酷吏殘賊用刑深刻。獄多冤人。朕甚愍之。孔子不云乎。刑罰不

中。則民無所措手足。其與諸中二千石諸大夫議省刑罰。

袁宏後漢紀四

頃獄多冤人。用刑深刻。朕甚愍之。孔子云。刑罰不中。則民無所措

手足。其與中二千石諸大夫博士議郎議省刑法。

後漢光武紀

禁拘執詔。二年五月癸未。

民有嫁妻賣子。欲歸父母者。悉聽之。敢拘執。論如律。

後漢光武紀

復宗室列侯子孫詔。

二年十二月戊午

惟宗室列侯爲王莽所廢。先靈無所依歸。朕甚愍之。其竝復故國。

若侯身已歿。屬所上其子孫見名。尙書封拜。

後漢光武紀

惟列侯爲王莽所廢。先祖魂神無所依歸。朕甚愍之。列侯身廢者。

國如故。身死若子孫見在。令繼其先焉。

袁宏後漢紀四

得璽綬祠高廟詔三年二月己酉

羣盜縱橫賊害元元盆子竊尊號亂惑天下朕奮兵討擊應時崩解十餘萬眾束手降服先帝璽綬歸之王府斯皆祖宗之靈士人之力朕曷足言享斯哉其擇吉日祠高廟賜天下長子當為父後者爵人一級後漢光武紀

寬吏罪詔三年七月庚辰

吏不滿六百石下至墨綬長相有罪先請男子八十以上十歲以下及婦人從坐者自非不道詔所名捕皆不得繫當驗問者即就驗女徒雇山歸家後漢光武紀

報朱浮詔三年

往年赤眉跋扈長安吾策其無穀必東果來歸降今度此反虜勢無久全其中必有內相斬者今軍資未充故須候麥耳後漢朱浮傳

報耿弇詔四年



將軍出身舉宗爲國所向陷敵功效尤著何嫌何疑而欲求徵且

與王常共屯涿郡勉思方略已成功業袁宏後漢紀四

憂旱詔五年五月丙子

久旱傷麥秋種未下朕甚憂之將殘吏未勝獄多冤結元元悲恨

感傷天地乎其令中都官三輔郡國出繫囚罪非犯殊死一切勿

案見徒免爲庶人務進柔良退貪酷各正厥事焉後漢光武紀

使樊宏迎耿況詔五年

惟況功大不宜監察從事邊郡寒苦不足久居其詣行在所後漢耿弇

傳注引袁宏書

龐萌反下詔五年四月

吾嘗于眾人中言萌可爲社稷臣將軍等得無笑吾言老賊當族

其各勵兵馬會睢陽袁宏後漢紀五又見後漢龐萌傳作與諸將書與此小異

詔書勞蓋延五年

龐萌一夜反畔相去不遠營壁不堅始令人齒欲相擊而將軍聞之夜告臨淮楚國有不可動之節吾甚美之

後漢蓋延傳注引東觀記及續漢書

勞耿弇

五年十月

昔韓信破歷下已開基今將軍攻祝阿已發迹此皆齊之西界功足相方而韓信襲擊已降將軍獨拔勁敵其功乃難于信也又田橫烹酈生及田橫降高帝詔衛尉不聽爲仇張步前亦殺伏隆若步來歸命吾當詔大司徒釋其怨又事尤相類也將軍前在南陽建此大策常已爲落落難合有志者事竟成也

後漢耿弇傳按此語口語已載入

兩漢詔令故錄之

詔遣周黨

五年

許由不仕有唐帝德不衰夷齊不食周粟王道不虧不忍使黨久逡巡于汙君之朝其賜帛四十匹遣歸田里

袁宏後漢紀五

曰范升奏示公卿詔

自古堯有許由巢父周有伯夷叔齊自朕高祖有南山四皓自古聖王皆有異士非獨今也太原周黨不食朕祿亦各有志焉袁宏後漢

五紀

自古明王聖主必有不賓之士伯夷叔齊不食周粟太原周黨不食朕祿亦各有志焉其賜帛五十匹後漢周黨傳

給廩詔六年正月辛酉

往歲水旱蝗蟲爲災穀價騰躍人用困乏朕惟百姓無已自贍惻然愍之其命郡國有穀者給廩高年鰥寡孤獨及篤癯無家屬貧不能自存者如律二千石勉加循撫無令失職後漢光武紀

詔報馮異六年

將軍之于國家義則君臣恩猶父子何嫌何疑而有懼意袁宏後漢紀五

後漢馮異傳

赦隗囂所誅誤及遭赤眉難者詔六年五月辛丑

惟天水隴西安定北地吏人爲隗囂所誑誤者又三輔遭難赤眉有犯法不道者自殊死已下皆赦除之

後漢光武紀

省減吏員詔六年六月辛卯

夫張官置吏所已爲人也今百姓遭難戶口耗少而縣官吏職所置尙繁其令司隸州牧各實所部省減吏員縣國不足置長吏可并合者上大司徒大司空二府

後漢光武紀

因日食下詔六年十月丁丑

吾德薄不明寇賊爲害疆弱相凌元元失所詩云日月告凶不用其行永念厥咎內疚于心其敕公卿舉賢良方正各一人百僚竝上封事無有隱諱有司修職務遵法度

後漢光武紀

田租三十稅一詔六年十二月癸巳

頃者師旅未解用度不足故行什一之稅今軍士屯田糧儲差積其令郡國收見田租三十稅一如舊制

後漢光武紀又見袁宏後漢紀五有刪節

賜馮異詔 六年冬

倉卒燕羹亭豆粥厚沱河麥飯厚意久不報

後漢馮異傳又見袁宏後漢紀五少未句

報竇融詔

每追念外屬孝景皇帝出自竇氏定王景帝之子朕之所祖昔魏  
其一言繼統曰正長君少君尊奉師傅修成淑德施及子孫此皇  
太后神靈上天祐漢也從天水來者寫將軍所讓隗囂書痛入骨  
髓畔臣見之當股慄慙愧忠臣則酸鼻流涕義士則曠若發矇非  
忠孝慈誠孰能如此豈其德薄者所能克堪露自知失河西之助  
族禍將及欲設閒離之說亂惑真心轉相解搆曰成其姦又京師  
百僚不曉國家及將軍本意多能採取虛偽誇誕妄談令忠孝失  
望傳言乖實毀譽之來皆不徒然不可不思今關東盜賊已定大  
兵今當悉西將軍其抗厲威武已應期會

後漢竇融傳

詔右扶風 六年

右扶風修理融父墳塋祠曰太牢後漢實融傳

赦殊死曰下詔七年正月丙申

中都官三輔郡國出繫囚非犯殊死皆一切勿案其罪見徒免爲

庶民耐罪亡命吏曰文除之後漢光武紀

詔羣臣正月

羣臣奏事無得言聖人官輯聚珍本東觀漢記

薄葬詔同上

世曰厚葬爲德薄終爲鄙至于富者奢僭貧者殫財法令不能禁禮義不能止倉卒乃知其咎其布告天下令知忠臣孝子慈兄悌弟薄葬送終之義後漢光武紀

罷輕車騎士等詔七年三月丁酉

今國有眾軍並多精勇宜且罷輕車騎士材官樓船士及軍假吏令還復民伍後漢光武紀

日食求言詔

七年三月癸亥

吾德薄致災謫見日月戰慄恐懼夫何言哉今方念愆庶消厥咎其令有司各修職任奉遵法度惠茲元元百僚各上封事無有所

諱其上書者不得言聖

後漢光武紀

舉賢良方正詔

七年四月壬午

比陰陽錯謬日月薄食百姓有過在予一人大赦天下公卿司隸

州牧舉賢良方正各一人遺詣公車朕將覽試焉

後漢光武紀又袁宏後漢紀六

目此及前日餓求言合為一詔繫于正月癸亥晦與范史不同

禁拘制奴婢下妻詔

七年五月

吏人遭饑亂及為青徐賊所略為奴婢下妻欲去畱者恣聽之敢

拘制不還已賣人法從事

後漢光武紀

詔三公議郊祀

七年五月

漢當郊禘其與卿大夫博士議

續漢祭祀志上

詔告隗囂

八年

若束手自詣父子相見保無他也高皇帝云橫來大者王小者侯若遂欲爲黥布者亦自任也

後漢隗囂傳

召河南尹王梁爲濟南太守

七年

梁前將兵征伐眾人稱賢故擢典京師建議開渠爲人興利旅力旣愆迄無成功百姓怨譴談者謹譁雖蒙寬宥猶執譁退君子成人之美其召梁爲濟南太守

後漢王梁傳

詔來歙

八年

桃花水出船檣皆至郁夷陳倉分部而進

水經渭水上注引東觀漢記隗囂圖來歙于略

陽世祖部

詔賜祭遵吏士縑

八年

將軍連年距難眾兵卽卻復獨按部功勞爛然兵退無宿戒糧食不豫具今乃調度恐力不堪國家知將軍不易亦不遺力今送縑



千匹。曰：賜吏士。

後漢祭遵傳注引東觀記

封竇融爲安豐侯。詔八年。

八年

行河西五郡大將軍涼州牧張掖屬國都尉竇融，執志忠孝，扶微救危，仇疾反虜，隗囂率厲五郡精兵，羌胡畢集，兵不血刃，而虜土崩瓦解，功既大矣，篤意分明，斷之不疑，吾甚嘉之。其曰安豐陽泉蓼安風，凡四縣封融爲安豐侯。官輯本東觀記又載文類聚五十一引東觀記

報竇融求代詔。

八年

吾與將軍如左右手耳，數報謙退，何不曉人意，勉循士民，無擅離

部曲。

後漢竇融傳

追爵諡陰貴人父弟詔。

九年

吾微賤之時，娶于陰氏，因將兵征伐，遂各別離，幸得安全，俱脫虎口。曰：貴人有母儀之美，宜立爲后，而固辭弗敢當，列于媵妾，朕嘉其義，讓許封諸弟，未及爵土，而遭患逢禍，母子同命，愍傷于懷，小

雅曰將恐將懼惟予與汝將安將樂汝轉棄予風人之戒可不慎乎其追爵諡貴人父陸爲宣恩哀侯弟訢爲宣義恭侯目弟就嗣哀侯後及尸柩在堂使太中大夫拜授印綬如在國列侯禮魂而有靈嘉其寵榮

後漢光烈  
陰皇后紀

禁殺奴婢詔十一年二月己卯

天地之性人爲貴其殺奴婢不得減罪

後漢光  
武紀

敢炙灼奴婢論如律免所炙灼者爲庶民

後漢光  
武紀

詔報岑彭十一年春

大司馬習用步騎不曉水戰荆門之事一由征南公爲重而已

後漢

岑彭傳又見袁  
宏後漢紀六

原丁邯詔

漢中太守妻乃繫南鄭獄誰當搔其背垢者懸牛頭賣馬脯盜跖

行孔子語曰邯服罪且邯一妻冠履勿謝

續漢百官志三注補引  
決錄注丁邯遷漢中太

守妻弟爲公孫述將收妻送南鄭獄免冠徒跣自陳詔曰云云

免隴蜀民爲奴婢者詔十二年三月癸酉

隴蜀民被略爲奴婢自訟者及獄官未報一切免爲庶民

後漢光武紀

詔書告吳漢

直擁兵到成都據其心腹後城營自解散

官輯本東觀漢記

詔書戒吳漢

成都十萬餘眾不可輕也且堅據廣都城去之五十里待其卽營

攻城罷倦引去乃首尾擊之勿與爭鋒述兵不敢來轉營卽之移

徙輒自堅

官輯本東觀漢記

廣都去成都五十里述若來攻待其困弊而攻之勿與爭鋒述若

不來轉營逼之彼必堅壁

袁宏後漢紀六

成都十餘萬眾不可輕也但堅據廣都待其來攻勿與爭鋒若不

敢來公轉營迫之須其力疲乃可擊也

後漢吳漢傳案此詔三見皆小異故竝錄之

喻公孫述詔 十二年夏

往年詔書比下，開示恩信，勿已來欵岑彭受害自疑。今已時自詣，則家族完全，若迷惑不喻，委肉虎口，痛哉奈何！將帥疲倦，吏士思歸，不欲久相屯守。詔書手記，不可數得，朕不食言。後漢公孫述傳

察舉詔

十二年八月乙未

三公舉茂才各一人，廉吏各二人，光祿歲舉茂才四行各一人，察廉吏三人，中二千石歲察廉吏各一人，廷尉大司農各二人，將兵將軍歲察廉吏各二人，監察御史司隸州牧歲舉茂才各一人。續漢

百官志一注補引漢官目錄

下詔讓劉尚

十二年十一月

城降三日，吏人從服，孩兒老母，口已萬數。一旦放兵縱火，聞之可爲酸鼻。家有敝帚，享之千金。尚宗室子孫，故當更吏職，何忍行此！仰視天，俯視地，觀于放廢，啜羹之義，二者孰仁？良失斬將弔人之

義也

官制本東觀漢記又見後漢公孫述傳

詔邊吏

十二年十二月

邊吏力不足戰則守追虜料敵不拘曰逗畱法

後漢光武紀

禁郡國獻異味詔

十三年正月戊子

往年敕郡國勿因計吏有所進獻今故未止非徒勞役道途所過未免煩費已敕太官勿復受其遠方食物乘輿口實可曰薦宗廟者即如舊制

袁宏後漢紀七

往年已敕郡國異味不得有所獻御今猶未止非徒有豫養導擇之勞至乃煩擾道上疲費過所其令太官勿復受明敕下遠方口

實所曰薦宗廟自如舊制

後漢光武紀

臨弔侯霸詔

十三年正月

惟霸積善之德久而益彰清潔之操白首彌厲漢之舊制丞相拜日封爲列侯頃目軍旅暴露功臣未受國邑緣忠臣之心不欲先

饗其寵故未爵命其追爵諡霸使襲其後

袁宏後漢紀七侯霸薨上傷惜之親自臨弔詔

于是封霸為則鄉侯諡曰哀侯

惟霸積善清潔視事九年漢家舊制丞相拜日封為列侯朕曰軍

師暴露功臣未封緣忠臣之義不欲相踰未及爵命奄然而終嗚

呼哀哉

後漢侯霸傳

改長沙王興等為侯詔

十三年二月丙辰

長沙王興真定王得河間王邵中山王茂皆襲爵為王不應經義

其曰興為臨湘侯得為真定侯邵為樂成侯茂為單父侯

後漢光武紀

免益州民為奴婢者詔

十三年十二月

益州民自八年已來被略為奴婢者皆一切免為庶民或依託為

人下妻欲去者恣聽之敢拘留者比青徐二州已略人法從事

後漢

光武紀

檢核州郡墾田及戶口詔

十五年

刺史太守多爲詐巧不務實核苟以度田爲名聚人田中并度廬

屋里落聚人遮道啼呼

官輯本東觀漢紀又見後漢光武紀注

廢郭后立陰后詔

十七年十月辛巳

皇后懷執怨懟數違教令不能撫循它子訓長異室宮闈之內若見鷹鸇既無關雝之德而有呂霍之風豈可託曰幼孤恭承明祀今遣大司徒涉宗正吉持節其上皇后璽綬陰貴人鄉里良家歸自微賤自我不見于今三年宜奉宗廟爲天下母主者詳案舊典時上尊號異常之事非國休福不得上壽稱慶

後漢光烈陰皇后紀

不可曰奉供養

續漢五行志六

蠲邊郡盜穀罪詔

十八年四月癸酉

今邊郡盜穀五十斛罪至于死開殘吏妄殺之路其蠲除此法同

之內郡

後漢光武紀

廟祭詔

十九年

曰宗廟處所未定且祫祭高廟其成哀平且祠祭長安故高廟其  
南陽舂陵歲時各且因故園廟祭祀園廟去太守治所遠者在所  
令長行太守事侍祠惟孝宣帝有功德其上尊號曰中宗續漢祭  
祀志下  
立皇太子詔十九年六月

春秋之義立子曰貴東海王陽皇后之子宜承大統皇太子彊崇  
執謙退願備藩國父子之情重久違之其曰彊爲東海王立陽爲  
皇太子改名莊後漢光  
武紀

迎詔寶融勿得讓職

日者知公欲讓職還土故命公暑熱且自便今相見且宜論他事  
勿得復言後漢書寶融傳又見藝文類聚五十一引東觀  
漢記又袁宏後漢紀六係此詔于十二年後



賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷一終

全後漢文卷二

烏程嚴可均校輯

光武帝二

制詔貰侍御史

建武二十年十二月

已陳畱督郵虞廷故貰御史罪

後漢虞延傳

地震詔

二十年九月戊辰

制詔曰日者地震南陽尤甚夫地者任物至重靜而不動者也而今震裂咎在君上鬼神不順無德災殃將及吏人朕甚懼焉其令南陽勿輸今年田租芻藁遺謁者案行其死罪繫囚在戊辰已前減死罪一等徒皆弛解鉗衣絲絮賜郡中居人壓死者棺錢人三千其口賦逋稅而廬宅尤破壞者勿收責吏人死亡或在壞垣毀屋之下而家羸弱不能收拾者已見錢穀取傭爲尋求之

後漢光武紀

除杜喬爲丹水長詔

二十三年

公侯子孫必復其始賢者之後宜宰城邑其曰喬為丹水長後漢杜林

傳  
詔增百官俸二十六年正月

前曰用度不足吏祿薄少今益其俸自三公下至佐使各有差官

本東觀漢記

營壽陵詔四月

無為山陵陂池裁令流水而已迭興之後亦無丘壟使合古法今

日月已逝當豫自作臣子奉承不得有加官輯本東觀漢記四月始營陵地于臨平亭南

詔

臨平望平陰河水洋洋舟船泛泛善矣夫周公孔子猶不得存安

得松喬與之而共遊乎文帝曉終始之義景帝所謂孝子也故遭

反覆霸陵獨完非成法耶同上乃令陶人作瓦器又曰云云

古者帝王之葬皆陶人瓦器木車茅馬使後世之人不知其處太

宗識終始之義景帝能述遵孝道遭天下反覆而霸陵獨完受其福豈不美哉今所制地不過二三頃無爲山陵陂池裁令流水而已

後漢光武紀下初作壽陵將作大匠竇融上言園陵廣袤無慮所用帝曰云云案此與東觀記互有刪節故並錄之

行禘祫祭詔二十六年

禘祫之祭不行已久矣三年不爲禮禮必壞三年不爲樂樂必崩宜據經典詳爲其制

後漢張純傳

二府去大詔二十七年五月丁丑

昔契作司徒禹作司空皆無大名其令二府去大

後漢光武紀

報臧宮馬武請滅匈奴詔二十七年

黃石公記曰柔能制剛弱能制彊柔者德也剛者賊也弱者仁之助也彊者怨之歸也故曰有德之君曰所樂樂人無德之君曰所樂樂身樂人者其樂長樂身者不久而亡舍近謀遠者勞而無功舍遠謀近者逸而有終逸政多忠臣勞政多亂人故曰務廣地者

荒務廣德者疆有其有者安貪人有者殘殘滅之政雖成必敗今  
國無善政災變不息百姓驚惶人不自保而復欲遠事邊外乎孔  
子曰吾恐季孫之憂不在顓臾且北狄尙疆而屯田警備傳聞之  
事恆多失實誠能舉天下之半曰滅大寇豈非至願苟非其時不  
如息人

後漢臧  
宮傳

減死罪詔 二十八年十月

死罪繫囚皆一切募下蠶室其女子宮

後漢光  
武紀

減罪詔 二十九年四月

令天下繫囚自殊死已下及徒各減本罪一等其餘贖罪輸作各

有差

後漢光  
武紀下

拒羣臣請封禪詔 三十年

災異連仍日月薄食百姓怨歎而欲有事于泰山汚七十二代編

錄曰羊皮雜貂裘何強顏耶

官解本東  
觀漢記

卽位三十年，百姓怨氣滿腹，吾誰欺欺天乎？曾謂泰山不如林放，何污七十二代之編錄？桓公欲封管仲，非之若郡縣遠遣吏上壽，虛稱盛美，必髡兼令屯田。

續漢祭祀志上

詔許梁松等封禪

中元元年

許昔小白欲封夷吾，難之。季氏欲族仲尼，非焉。蓋齊諸侯季氏大夫皆無事于泰山，今予末小子巡祭封禪，德薄而任重，一則曰喜，一則曰懼，喜于得承鴻業，帝堯善及子孫之餘賞，蓋應圖籙當得是當懼于過差，執德不弘，信道不篤，爲議者所誘進，後世知吾罪深矣。

續漢祭祀志下注引東觀書

遺詔

二年二月戊戌

朕無益百姓，皆知孝文皇帝制度，務從約省，刺史二千石長吏皆

無離城郭，無遣吏及因郵奏。

後漢光武紀

曰：張況爲常山關長，詔

已下年月未詳

家人居不足贍且呂一縣自養

後漢張禹傳注引東觀記祖父況遷涿郡太守時年八十不任兵馬

上疏乞身詔云云復呂況為常山關長會赤眉攻關城況出戰死

案此詔當在元二年間

呂王闕子補吏詔

武王克殷表商容之閭闕修善謹敕兵起吏民獨不爭其頭首今

呂闕子補吏

漢書董賢傳王闕王莽時為牧守所居見紀莽敗廼去官世祖下詔

賜張堪詔

平陽丞李善稱故令范遷于張堪令人面熱汗出其賜堪新絹百

匹呂表廉吏

御覽三百八十七引東觀記

四科取士詔

方今選舉賢侯朱紫錯用丞相故事四科取士一曰德行高妙志節清白二曰學通行修經中博士三曰明達法令足目決疑能案章覆問文中御史四曰剛毅多略遭事不惑明足目決才任三輔令皆有孝悌廉公之行自今呂後審四科辟召及刺史二千石察

茂才尤異孝廉之吏務盡實覈選擇英俊賢行廉潔平端于縣邑務授試已職有非其人臨計過署不便習官事書疏不端正不如

詔書有司奏罪名竝正舉者續漢百官志一注引漢官儀世祖詔云云

賜侯將軍詔

卿歸田里曷不令妻子從將軍老矣夜臥誰為搔背痒也

詔褒牛牢

朕幼交牛君真清高士也恆有疾州郡之官者常親到家致意焉

御覽五百八引皇甫謐高士傳

拜鄧禹為大司徒策元年七月辛未

制詔前將軍鄧禹深執忠孝與朕謀謨帷幄決勝千里孔子曰吾

自有回門人日親斬將破軍平定山西功效尤著百姓不親五品

不訓汝作司徒敬敷五教五教在寬今遣奉車都尉授印綬封為

鄼侯食邑萬戶敬之哉後漢鄧禹傳又見袁宏後漢紀三上璽書勞鄧禹云云有刪節



封功臣策

二年正月庚辰

在上不驕高而不危制節謹度滿而不溢敬之戒之傳爾子孫長

為漢藩

後漢光武紀

贈來歙策

十一年

中郎將來歙攻戰連年平定羌隴憂國忘家忠孝彰著遭命遇害

嗚呼哀哉使太中大夫贈歙中郎將征羌侯印綬諡曰節侯謁者

護喪事

後漢來歙傳

敕鄧禹

元年

司徒堯也亡賊桀也長安吏人遑遑無所依歸宜曰時進討鎮慰

西京繫百姓之心

後漢鄧禹傳

敕諸將

元年十二月

賊若東走可引宜陽兵會新安賊若南走可引新安兵會宜陽

後漢

劉盆子傳

密敕耿純二年

劉揚若見因而收之

後漢耿純傳

徵鄧禹還軍敕二年

赤眉無穀自當來東吾折捶笞之非諸將憂也無得復妄進兵

後漢

鄧禹傳

勒兵堅守慎無與窮寇交鋒老賊疲弊必當束手事吾也已飽待

飢已逸擊勞折捶而笞之耳

後漢紀

敕馮異二年十一月

三輔遭王莽更始之亂又遇赤眉延岑之弊兵家縱橫百姓塗炭

將軍今奉辭討諸不軌兵家降者遣其渠帥皆詣京師散其小民

令就農桑壞其營壘無使復聚征伐非在遠戰掠地多得城邑要

在平定安集之耳吾諸將非不健鬪然多好虜掠爲小民害卿本

能檢吏士勉自修整無爲郡縣所苦

袁宏後漢光武紀四又見後漢馮異傳有刪節

敕蓋延

四年

可直往擣郾則蘭陵必自解

後漢蓋延傳

敕岑彭書

八年

兩城若下便可將兵南擊蜀虜人苦不知足既平隴復望蜀每一

發兵頭鬚爲白

後漢岑彭傳

敕吳漢

八年

諸部甲卒俱坐費糧食若有逃亡則沮敗眾心宜悉罷之

後漢吳漢傳

璽書勞馮異

三年

赤眉破平士吏勞苦始雖垂翅回谿終能奮翼阻池可謂失之東

隅收之桑榆方論功賞

後漢馮異傳

璽書賜竇融

五年

制詔行河西五郡大將軍事屬國都尉勞鎮守邊五郡兵馬精彊倉庫有蓄民庶殷富外則折挫羌胡內則百姓蒙福威德流聞虛

心相望道路隔塞邑邑何已長史所奉書獻馬悉至深知厚意今益州有公孫子陽天水有隗將軍方蜀漢相攻權任將軍舉足左右便有輕重呂此言之欲相厚豈有量哉諸事具長史所見將軍所知三者迭興千載一會欲遂立桓文輔微國當勉卒功業欲三分鼎足連衡合從亦宜呂時定天下未并吾與爾絕域非相吞之國今之議者必有任讞效尉佗制七郡之計王者有分土無分民自適已事而已今呂黃金二百斤賜將軍便宜輒言

後漢寶融傳

璽書勞馮異

七年

制詔大司馬虎牙建威漢中捕虜武威將軍虜兵狼下三輔驚恐枸邑危亡在于旦夕北地營保按兵觀望今偏城獲全虜兵挫折使耿定之屬復念君臣之義征西功若丘山猶自己爲不足孟之反奔而殿亦何異哉今遣太中大夫賜征西吏士死傷者醫藥棺斂大司馬已下親弔死問疾呂崇謙讓

後漢馮異傳

栢邑孤危亡在旦夕諸將狐疑莫有先發將軍獨決奇算摧敵殄寇功如丘山猶若不足雖孟反後入無言過也今遣太中大夫賁醫藥殯殮之具已賜吏士其死傷者大司馬已下親弔問之已崇

謙讓袁宏後漢紀六案此校本傳多出諸將狐疑已下四語

璽書賜陳俊八年

將軍元勳大著威震青徐兩州有警得專征之後漢陳俊傳注引華嶠書又見袁宏

後漢紀三

璽書賜馮異九年

聞吏士精銳水火不避構賞之賜必不令將軍負丹青失斷金也

後漢馮異傳注引東觀記

璽書賜侯霸

崇山幽都何可偶黃鉞一下無處所欲已身試法邪將殺身已成

仁邪後漢馮勤傳

報馮異 建武元年

季文多詐人不能得其要領今移其書告守尉當警備者

袁宏後漢紀三

馮異奏季秩書王報異

報鄧禹 元年

縛馮愔者必黃防也

後漢鄧禹傳

與朱伯然書 元年

交鋒之日神星晝見太白清明

北堂書鈔百五十引東觀漢紀又見御覽五案光武紀朱鮪造討

難將軍蘇茂攻溫馮異寇恂與戰大破之斬其將賈彊于是諸將議上尊號及卽位使吳漢等十一將軍圍朱鮪于洛陽此云交鋒

卽其時也鮪字伯然淮陽人

手書報隗囂 三年

慕樂德義思相結納昔文王三分猶服事殷但鴛馬鉛刀不可强扶數蒙伯樂一顧之價而蒼蠅之飛不過數步卽託驥尾得目絕羣隔于盜賊聲問不數將軍操執欸欸扶傾救危南距公孫之兵

北禦羌胡之亂，是日馮異西征，得日數千百人，躑躅三輔，徵將軍之助，則咸陽已爲他人禽矣。今關東寇賊，往往屯聚，志務廣遠，多所不暇，未能觀兵成都，與子陽角力。如令子陽到漢中，三輔願因將軍兵馬，鼓旗相當，儻肯如言，蒙天之福，卽智士計功割地之秋也。管子曰：生我者父母，成我者鮑子。自今日後，手書相聞，勿用旁人解構之言。後漢隗器傳

讓蓋延四年

閒欲先赴郾者，目不意故耳。今旣奔走，賊計已立，圍豈可解乎？後漢蓋延傳

報劉興書六年

欲復進兵，恐失其頭首也。張珍本東觀漢記：代郡太守劉興將數百騎攻賈，跪上狀，檄至，帝知其必敗，報書。

賜隗囂書六年

昔柴將軍與韓信書云陛下寬仁諸侯雖有亡叛而後歸輒復位號不誅也已。韓文吏曉義理故復賜書深言則侶不遜略言則事不決。今若束手復遣恂弟歸闕廷者則爵祿獲全有浩大之福矣。吾年垂四十在兵中十歲厭浮語虛辭即不欲勿報。後漢陳登傳

與公孫述書 六年

圖讖言公孫即宣帝也。代漢者當塗高。君豈高之身邪。乃復已掌文爲瑞。王莽何足效乎。君非吾賊臣亂子。倉卒時人皆欲爲君事耳。何足數也。君日月已逝。妻子弱小。當早爲定計。可已無憂。天下神器不可力爭。宜畱三思。後漢公孫述傳

西狩獲麟讖曰乙子卯金。即乙未歲授劉氏。非西方之字也。光廢昌帝立子公孫。即霍光廢昌邑王立孝宣帝也。黃帝姓公孫。自曰土德。君所知也。漢家九百二十歲。已蒙孫亡。受呂丞相其名當塗高。高豈君身邪。吾自繼祖而興。不稱受命。求漢之斷。莫過王莽。近



張滿作惡兵圍得之歎曰爲天文所誤恐君復誤也華陽國志

報陳俊八年

東州新平大將軍之功也負海猾夏盜賊之處國家已爲重憂且

勉鎮撫之後漢陳俊傳又見袁宏後漢紀三

讓吳漢十二年

比敕公千條萬端何意臨事勃亂既輕敵深入又與尙別營事有

緩急不復相及賊若出兵綴公已大眾攻尙尙破公卽敗矣幸無

它者急引兵還廣都後漢吳漢傳

報吳漢十二年

公還廣都甚得其宜述必不敢略尙而擊公也若先攻尙公從廣

都五十里悉步騎赴之適當值其危困破之必矣後漢吳漢傳

迎下鮑永書

君晨夜冒犯霜露精神亦已勞矣已君幃幄近臣其目爲兖州牧

後漢鮑永傳  
注引東觀記

報鄯善王二十二年

今使者大兵未能得出如諸國力不從心東西南北自在也

後漢西域

傳

戒馮勤二十七年

朱浮上不忠于君下陵轢同列竟曰中傷至今死生吉凶未可知  
豈不惜哉人臣放逐受誅雖復追加賞賜賻祭不足曰償不訾之  
身忠臣孝子覽照前世曰爲鏡戒能盡忠于國事君無二則爵賞  
光乎當世功名列于不朽可不勉哉

後漢馮勤傳

卽位祭告天地文

皇天上帝后土神祇睠顧降命屬秀黎元爲民父母秀不敢當羣  
下百僚不謀同辭咸曰王莽篡弑竊位秀發憤興義兵破王尋王  
邑百萬眾于昆陽誅王郎銅馬赤眉青犢賊于河北平定天下海

內蒙恩上當天地之心下爲元元所歸識記曰劉秀發兵捕不道  
卯金修德爲天子秀猶固辭至于再至于三羣下僉曰皇天大命  
不可稽留敢不敬承

後漢光武紀續  
漢祭祀志上

告祠高廟遷呂后主

高皇帝與羣臣約非劉氏不王呂太后賊害三趙專王呂氏賴社  
稷之靈祿產伏誅天命幾墜危朝更安呂太后不宜配食高廟同  
祧至尊薄太后母德慈仁孝文皇帝賢明臨國子孫賴福延祚至  
今其上薄太后尊號曰高皇后配食地祇遷呂太后廟主于園四  
時二祭

後漢光武紀中元元年冬十  
月甲申使司空告祠高廟

賜進士出身三品銜廣東等處提刑按察使司按察使兼管驛傳事務黃岡王毓藻校刊

全後漢文卷二終

全後漢文卷三

烏程嚴可均校輯

明帝

帝諱莊初名陽光武第四子建武十五年封東海公十七年進爵爲王十九年立爲皇太子中元二年二月卽位改元永平在位十八年諡曰孝明皇帝廟號顯宗

日食下三公制

永平十三年十月壬辰

冠履勿効災異屢見咎在朕躬憂懼遑遑未知其方將有司陳事多所隱諱使君上壅蔽下有不得聞乎昔衛有忠臣靈公得守其位今何已和穆陰陽消伏災譴刺史太守詳刑理冤存恤鰥寡孤獨

勉思職焉

後漢明紀

壽陵制

十四年

令流水而已石槨廣一丈二尺長二丈五尺無得起墳萬年之後

掃地而祭，杆水脯糒而已。過百日，唯四時設奠，置吏卒數人供給。

灑掃，勿間修道，敢有所興作者，已擅議宗廟法從事。

後漢明紀

告瑞宗廟制

十七年五月戊子

天生神物，已應王者，遠人慕化，實由有德。朕已虛薄，何已享斯。唯高祖光武聖德所被，不敢有辭。其敬舉觴，太常擇吉日策告宗廟。其賜天下男子爵人二級，三老孝悌力田人三級，流人無名數欲占者人一級，鰥寡孤獨篤癯貧不能自存者粟人三斛。郎從官視事十歲已上者帛十匹，中二千石二千石，下至黃綬，貶秩奉贖。在去年已來，皆還贖。

後漢明紀

卽位恩赦詔

中元二年四月丙辰

予末小子，奉承聖業，夙夜震畏，不敢荒寧。先帝受命中興，德侔帝王，協和萬邦，格于上下，懷柔百神，惠于鰥寡。朕承大運，繼體守文，不知稼穡之艱難，懼有廢失。聖恩遺戒，顧重天下。已元元爲首，公

卿百僚將何曰輔朕不逮其賜天下男子爵人二級三老孝弟力田人三級爵過公乘得移與子若同產子及流人無名數欲自占者人一級鯁寡孤獨篤癰粟人十斛其施刑及郡國徒在中元元年四月己卯赦前所犯而後捕繫者悉免其刑又邊人遭亂爲內郡人妻在己卯赦前一切遣還邊恣其所樂中二千石下至黃綬貶罪贖論者悉皆復秩還贖方今上無天子下無方伯若涉淵水而無舟楫夫萬乘至重而壯者慮輕實賴有德左右小子高密侯禹元功之首東平王蒼寬博有謀竝可曰受六尺之託臨大節而不撓其曰禹爲太傅蒼爲驃騎將軍太尉憲告謚南郊司徒詵奉安梓宮司空魴將校復土其封憲爲節鄉侯詵爲安鄉侯魴爲揚邑侯

後漢明紀又略見藝文類聚四十八引東觀漢記

曰東平王蒼爲驃騎將軍詔

初卽位

東平王蒼寬博有謀可曰託六尺之孤其曰蒼爲驃騎將軍

北堂書鈔

六十四引續漢書東平王傳明帝詔裁文類聚四十八  
引東觀漢記六尺之孤下多臨大節而不可奪七字

恤燒何豪詔二年

昔桓公伐戎而無仁惠故春秋貶曰齊人今國家無德恩不及遠  
羸弱何辜而當并命夫長平之暴非帝者之功咎由太守長吏妄  
加殘戮比銅鉗尚生者所在致醫藥養視令招其種人若欲歸故  
地者厚遣送之其小種若束手自詣欲効功者皆除其罪若有逆  
謀爲吏所捕而獄狀未斷悉已賜有功者

後漢西羌傳

聽贖罪詔二年十二月甲寅

方春戒節人呂耕桑其敕有司務順時氣使無煩擾天下亡命殊  
死已下聽得贖論死罪入繯二十匹右趾至髡鉗城旦舂十匹完  
城旦舂至司寇作三匹其未發覺詔書到先自告者半入贖今選  
舉不實邪佞未去權門請託殘吏放手百姓愁怨情無告訴有司  
明奏罪名竝正舉者又郡縣每因徵發輒爲姦利詭責羸弱先急

下貧其務在均平無令枉刻

後漢明紀

曰吳良爲議郎詔

前曰事見良鬚髮皓然衣冠甚偉夫薦賢助國宰相之職蕭何舉

韓信設壇而拜不復考試今曰良爲議郎

後漢吳良傳東平王蒼上疏薦良顯宗曰示公

卿云云又見北堂書鈔五十六

引東觀漢記有蕭何已下四句

封陰興子弟詔

永平元年

故侍中衛尉關內侯興典領禁兵從平天下當曰軍功顯受封爵

又諸舅比例應蒙恩澤興故讓安乎里巷輔導朕躬有周昌之直

在家仁孝有曾閔之行不幸早卒朕甚傷之賢者子孫宜加優異

其曰汝南之鮦陽封興子慶爲鮦陽侯慶弟博爲潁強侯博弟員

丹竝爲郎

後漢陰識傳附

詔東海王傅相

元年

王恭謙好禮曰德自終遣送之物務從約省衣足斂形茅車瓦器



物減于制。曰彰王卓爾獨行之志。將作大匠。畱起陵廟。

後漢東海王彊傳又

略見袁宏後漢紀九

詔驃騎將軍三公。二年正月辛未。

今令月吉日。宗祀光武皇帝于明堂。曰配五帝。禮備法物。樂和八音。詠祉福。舞功德。其班時令。敕羣后。事畢。升靈臺。望元氣。吹時律。觀物變。羣僚藩輔。宗室子孫。眾郡奉計。百蠻貢職。烏桓濊貊。咸來助祭。單于侍子。骨都侯。亦皆陪位。斯固聖祖功德之所致也。朕曰閭陋。奉承大業。親執圭璧。恭祀天地。仰惟先帝受命中興。撥亂反正。曰寧天下。封泰山。建明堂。立辟雍。起靈臺。恢弘大道。被之八極。而角子無成。康之質。羣臣無呂旦之謀。盥洗進爵。蹶踏惟慙。素性頑鄙。臨事益懼。故君子坦蕩蕩。小人長戚戚。其令天下自殊死已下。謀反大逆。皆赦除之。百僚師尹。其勉修厥職。順行時令。敬若昊天。曰綏兆人。

後漢明紀

幸辟雍行養老禮詔二年十月壬子

光武皇帝建三朝之禮而未及臨饗眇眇小子屬當聖業閒暮春  
吉辰初行大射今月元日復踐辟雍尊事三老兄事五更安車輶  
輪供綏執授侯王設醬公卿饌珍朕親袒割執爵而醑祝哽在前  
祝噎在後升歌鹿鳴下管新宮八佾具修萬舞于庭朕固薄德何  
曰克當易陳負乘詩刺彼已永念慙疚無忘厥心三老李躬年耆  
學明五更桓榮授朕尚書詩曰袁宏紀作五更桓榮曰尚書授朕  
十有餘年周頌曰視我顯德又曰  
無德不報無德不酬其賜榮爵關內侯食邑五千戶三老五更皆  
曰二千石祿養終厥身其賜天下三老酒人一石肉四十斤有司  
其存耆耄恤幼孤惠鰥寡稱朕意焉後漢明紀又略見袁宏後漢  
紀又文選東京賦注引東觀

漢記

勅農詳刊詔三年正月癸巳

朕奉郊祀登靈臺見史官正儀度夫春者歲之始也始得其正則

三時有成比者水旱不節邊人食寡政失于上人受其咎有司其

勉順時氣勸督農桑去其螟蟻及蝥賊詳刊慎罰明察單辭夙

夜匪懈曰稱朕意

後漢明帝紀

報鍾離意止作北宮詔

永平三年夏

湯引六事咎在一人其冠履勿謝比上天降旱密雲數會朕感然

慙懼思獲嘉應故分布禱請闕候風雲北祈明堂南設雩場今又

敕大匠止作諸宮減省不急庶消災譴

後漢鍾離意傳

報東平王蒼議世祖廟樂舞詔

三年八月丁卯

驃騎將軍議可進武德之舞如故

續漢祭祀志下注補引東觀書

下詔改樂名樂官

三年八月初卽位

尙書璇璣鈴曰有帝漢出德洽作樂名太子今且改郊廟樂曰太

予樂太樂官曰太子樂官曰應圖讖樂詩曲操曰侯君子

文選東都賦注

引東觀漢記又見後漢書哀傳合錄之

日食求言詔 三年八月壬申

朕奉承祖業無有善政日月薄蝕彗孛見天水旱不節稼穡不成人無宿儲下生愁蟄雖夙夜勤思而智能不逮昔楚莊無災呂致戒懼魯哀禍大天不降譴今之動變儻尙可救有司勉思厥職呂匡無德古者卿士獻詩百工箴諫其言事者靡有所諱 後漢明帝紀

呂姜詩爲郎中詔 三年

大孝入朝凡諸舉者一聽平之 後漢列女姜詩妻傳

得雨勞公卿詔 四年二月辛亥

朕親耕 文選東京賦注引東觀漢記有于字藉田呂祈農事京師冬無宿雪春不燥

沐煩勞羣司積精禱求而比再得時雨宿麥潤澤其賜公卿半奉

有司勉遵時政務平刑罰 後漢明帝紀

聽東平王蒼歸藩詔 五年二月

東平王比上書願歸藩上將軍印綬謙讓日聞至誠懇惻蓋君子

成人之美。今其聽焉。曰驃騎長史爲東平王太傅掾吏爲中大夫。

令史爲王家郎。勿上將軍印綬。

袁宏後漢紀九

賜執金吾馮魴詔十月

複道多風寒。左右老人且病痲。多取帷帳。東西完塞。窗皆令緻密。

御覽七百四十二引東觀漢記

復元氏縣田租詔十月

豐沛濟陽受命所由。加恩報德。適其宜也。今永平之政。百姓怨結。

而吏人求復。令人愧笑。重逆此縣之拳拳。其復元氏縣田租更賦。

六歲勞。賜縣掾史及門閭走卒。

後漢明帝紀

獲寶鼎詔六年四月甲子

昔禹收九牧之金。鑄鼎曰象物。使人知神姦。不逢惡氣。遭德則興。遷于商周。周德既衰。鼎乃淪亡。祥瑞之降。曰應有德。方今政化多僻。何曰致茲。易曰。鼎象三公。豈公卿奉職得其理邪。太常其曰。

祭之日陳鼎于廟。已備器用。賜三公帛五十匹。九卿二千石半之。先帝詔書。禁人上事言聖。而閒者章奏。頗多浮詞。自今若有過稱虛譽。尚書皆宜抑而不省。示不爲諂子也。後漢明帝紀

陰太后晏駕詔

七年

柩將發于殿。羣臣百官陪位。黃門鼓吹三通。鳴鐘鼓。天子舉哀。女侍史官三百人皆著素。參曰白素。引棺挽歌。下殿就車。黃門宦者引弓出宮省。太后魂車鸞路。青羽蓋。駟馬。龍旗九旒。前有方相鳳皇車。大將軍妻參乘。太僕妻御悉道。公卿百官如天子郊鹵簿儀。續漢禮儀志下注引丁孚漢儀

臨雍禮畢詔三公

八年十月丙子

募郡國中都官死罪繫囚。減罪一等勿笞。詣度遼將軍營屯朔方五原之邊縣。妻子自隨。便占著邊縣。父母同產欲相代者。恣聽之。其大逆無道殊死者。一切募下蠶室。亡命者令贖罪。各有差。凡徙

者賜弓弩衣糧

後漢明紀

日食求言詔

八年十月壬寅

朕已無德奉承大業而下貽人怨上動三光日食之變其災尤大

春秋圖讖所謂至譴永思厥咎在予一人羣司勉修職事極言無

諱

後漢明帝紀

班示封事詔

八年十一月

擊僚所言皆朕之過人冤不能理吏黠不能禁而輕用人力繕修

宮宇出入無節喜怒過差昔應門失守關雎刺世飛蓬隨風微子

所歎永覽前戒竦然競懼徒恐薄德久而致怠耳

後漢明帝紀

報楚王英詔

八年

楚王誦黃老之微言尚浮屠之仁祠潔齋三日與神爲誓何嫌何

疑當有悔吝其還贖已助伊蒲塞桑門之盛饌

後漢楚王英傳又袁宏後漢紀十

案後魏書釋老志作章帝誤

詔卹徙邊者妻子九年三月

郡國死罪囚減罪與妻子詣五原朔方占著所在死者皆賜妻父

若男同產一人復終身其妻無父兄獨有母者賜其母錢六萬又

復其口算後漢明紀

詔卹貧民九年四月

郡國百公田賜貧人各有差後漢明紀

赦廣陵王荆詔十年

荆數年之間大罪二矣其赦荆罪不得臣其吏民哀帝後漢紀十

大赦詔十年四月戊子

昔歲五穀登衍今茲蠶麥善收其大赦天下方盛夏長養之時蕩

滌宿惡日報農功百姓勉務桑稼日備災害吏敬厥職無令愆愆

後漢明紀

手詔東平王國傳十一年



辭別之後，獨坐不樂，因就車歸，伏軾而吟，瞻望永懷，實勞我心。誦及采菽，曰：增歎息。日者問東平王處家何等最樂，王言爲善最樂，其言甚大，副是要腹矣。今送列侯印十九枚，諸王子年五歲已上，能趨拜者，皆令帶之。後漢東平憲王蒼傳

申明科禁詔

十二年五月丙辰

昔曾閔奉親，竭歡致養，仲尼葬子，有棺無槨，喪貴致哀，禮存寧儉。今百姓送終之制，競爲奢靡，生者無擔石之儲，而財力盡于墳土，伏臘無糟糠，而牲牢兼于一奠，糜破積世之業，曰供終朝之費，子孫飢寒，絕命于此，豈祖考之意哉？又車服制度，恣極耳目，田荒不耕，游食者眾，有司其申明科禁，宜于今者，宣下郡國。後漢明紀

巡行汴渠詔

十三年四月乙酉

自汴渠決敗，六十餘歲，加頃年，曰來雨水不時，汴流東侵，日月益甚，水門故處，皆在河中，滌瀆廣溢，莫測圯岸，蕩蕩極望，不知綱紀。

今充豫之人多被水患乃云縣官不先人急好興它役又或曰爲河流入汴幽冀蒙利故曰左隄疆則右隄傷左右俱疆則下方傷宜任水勢所之使人隨高而處公家息壅塞之費百姓無陷溺之患議者不同南北異論朕不知所從久而不決今既築隄理渠絕水立門河汴分流復其舊迹陶丘之北漸就壤墳故薦嘉玉絜牲目禮河神東過洛汭歎禹之績今五土之宜反其正色濱渠下田賦與貧人無令豪右得固其利庶繼世宗瓠子之作

後漢明紀

還馮魴爵士詔

十四年

執金吾魴侍衛歷年數進忠言其還爵士封爲楊邑侯

袁宏後漢紀又王

引東觀漢記詔曰馮魴曰忠孝出入八年數進忠言正諫賜曰王侯

制詔許太后

十四年四月

國家始聞楚事幸其不然既知審實懷用悼灼庶欲宥全王身令保卒天年而王不念順太后竟不自免此天命也無可奈何太后

其保養幼弱免強飲食諸許願王富貴人情也已詔有司出其有

謀者令安田宅

後漢楚王英傳

贖罪詔

十五年二月

亡命自殊死已下贖死罪贖四十匹右趾至髡鉗城旦舂十匹完

城旦至司寇作五匹犯罪未發覺詔書到日自告者半入贖

後漢明紀

按驗耶令詔

後漢鄭弘傳注引謝承書云十五年

朕自治京師尙不能攘蝗耶令何人而令消弭遣按驗之

詔竇固

十六年

吏如班超何故不遣而更選乎今日超爲軍司馬令遂前功

後漢班超傳

罪人徙邊詔

十六年九月

令郡國中都官死罪繫囚減死罪一等勿笞詣軍營屯朔方敦煌妻子自隨父母同產欲求從者恣聽之女子嫁爲人妻勿與俱謀

反大逆無道不用此書

後漢明紀

詔班固

十七年

司馬遷著書成一家之言揚名後世至以身陷刑之故反微文刺  
譏貶損當世非諠士也司馬相如洿行無節但有浮華之詞不周  
于用至于疾病而遺忠主上求取其書竟得頌述功德言封禪事  
忠臣効也至是賢遷遠矣

文選典引序

贖刑詔

十八年三月丁亥

其令天下亡命自殊死已下贖死罪繚三十匹右趾至髡鉗城旦  
舂十匹完城旦至司寇作五匹吏人犯罪未發覺詔書到自告者

半入贖

後漢明紀

禱雨詔

十八年四月己未

自春目來時雨不降宿麥傷旱秋種未下政失厥中憂懼而已其  
賜天下男子爵人二級及流民無名數欲占者人一級鰥寡孤獨

篤癰貧不能自存者粟人三斛理冤獄錄輕繫二千石分禱五嶽  
四瀆郡界有名山大川能興雲致雨者長吏各絜齋禱請冀蒙嘉

漢後漢明紀

詔

尙書蓋古之納言出納朕命機事不密則害成可不慎歟御覽二百十二

引漢官儀

謁者乃堯之尊官所目試舜賓于四門四門穆穆者也昔燕太子  
使荆軻劫秦王變起兩楹之間其後謁者持匕首刺腋高祖偃武

行文故易之曰板

續漢百官志二注引荀綽晉百官表注

遺詔

十八年八月壬子

遵儉無起寢廟藏主于世祖廟更衣

續漢祭服志下

無起寢廟藏主于光烈皇后更衣別室

後漢明紀

呂鄧禹爲太傅策

初卽位

高密侯鄧禹元功之首其目禹為太傅

北堂書鈔五十二引漢官儀明帝甲辰策書

計令九年

司隸校尉部刺史歲上墨綬長吏視事三歲已上理狀尤異者各

一人與計偕上及尤不政理者亦目聞

後漢明紀

徙罪人令十七年

令武威張掖酒泉敦煌及張掖屬國繫囚右趾已下任兵者皆一

切勿治其罪詣軍營

後漢明紀

報少傅桓榮書

為太子時

陽昌童蒙承訓九載不深達師意而猥見褒獎非其實也夫五經

之道廣大非天下之至精其孰能與于此自宰予之徒親事孔門

閑邪已度猶尚怠懈晝寢況于不才者乎苟非其人道不虛受冉

求曰非不說子之道力不足者歸道受謝非所敢聞

袁宏後漢紀入

莊目童蒙學道九載而典訓不明無所曉識夫五經廣大聖言幽

遠非天下之至精豈能與于此況目不才敢承誨命昔之先師謝弟子者有矣上則通達經旨分明章句下則去家慕鄉求謝師門今蒙下列不敢有辭願君慎疾加餐重愛玉體後漢桓榮傳紫此與袁宏紀各有

節剛

報中山王焉二年

凡諸侯出境必備左右故夾谷之會司馬曰從今五國各官騎百人稱娵前行皆北軍胡騎便兵善射弓不空發中必決皆夫有文事必有武備所目重藉職也王其勿辭後漢中山王焉傳

書版

生非太公予亦非文王也

聚珍本東觀漢記十三年春二月帝耕藉田禮畢賜觀者食有諸生前舉手曰

善哉文王之遇太公也帝書版

賜進士出身一品銜廣東等處提刑按察使司按察使兼管驛傳事務黃岡王毓藻校刊

全後漢文卷三終



全後漢文卷四

烏程嚴可均校輯

章帝一

帝諱炆，明帝第五子。永平三年立爲皇太子，十八年八月卽位。改元三建初，元和。章和在位十三年，諡曰孝章皇帝。廟號肅宗。曰趙熹爲太傅，牟融爲太尉，詔永平十八年八月

朕以眇身託于王侯之上，統理萬機，懼失厥中，兢兢業業，未知所

濟，澁惟守文之主，必建師傅之官，詩不云乎？不愆不忘，率由舊章。

行太尉事，節卿侯熹五世書鈔五十二引東觀記作三世在位，爲國元老，司空融

典職六年，勤勞不息，其曰熹爲太傅，融爲太尉，竝錄尚書事三事

大夫莫可夙夜，小雅之所傷也。予違汝弼，汝無面從，股肱之正義

也。羣后百僚，勉思厥職，各貢忠誠，曰輔不逮，申救四方，稱朕意焉。

後漢章帝紀又見藝文類聚四十六引東觀漢記又四十八御覽二百七十二引東觀漢記

日蝕求言詔

十月甲辰晦

朕曰眇年奉承宗祖不能聿修洪業已致災眚思惟厥咎在予一人又羣司百僚其勉修所職各言其上封事靡有所諱

袁宏後漢紀十

下詔告平陵令丞

告平陵令丞縣人故雲陽令朱勃建武中已伏波將軍爵土不傳上書陳狀不顧罪戾懷旌善之志有烈士之風詩云無言不讎無德不報其以縣見穀二千斛賜勃子若孫勿令遠詣闕謝

後漢馬援傳注

引東觀記

報張酺辭典郡詔

經云身雖在外乃心不離王室典城臨民益所已報效也好醜必上不在遠近今賜裝三十萬其亟之官

後漢張酺傳

實叟受廩詔

建初元年正月

詔三州郡國方春東作恐人稍受廩往來煩劇或妨耕農其各實

穀尤貧者計所貸並與之流人欲歸本者郡縣其實廩令足還到聽過止官亭無雇舍宿長吏親躬無使貧弱遺脫小吏豪右得容姦妄詔書既下勿得稽留刺史明加督察尤無狀者

後漢章紀

東作緩刑詔

正月丙寅

比年牛多疾疫墾田減少穀價頗貴人日流亡方春東作宜及時務二千石勉勸農桑弘致勞來羣公庶尹各推精誠專急人事罪非殊死須立秋案驗有司明慎選舉進柔良退貪猾順時令理冤獄五教在寬帝典所美愷悌君子大雅所歎布告天下使明知朕意

後漢章紀

又見袁宏後漢紀十一與此小異

地震舉賢良方正詔

三月己巳

朕已無德奉承大業夙夜慄慄不敢荒寧而災異仍見與政相應朕既不明涉道日寡又選舉乖實俗吏傷人官職耗亂刑罰不中可不憂與昔仲弓季氏之家臣子游武城之小宰孔子猶誨以賢

才問已得人明政無大小已得人爲本夫鄉舉里選必累功勞今  
刺史守相不明真僞茂才孝廉歲已百數旣非能顯而當授之政  
事甚無謂也每尋前世舉人貢士或起畎畝不繫閭閻敷奏已言  
則文章可採明試已功則政有異迹文質彬彬朕甚嘉之其令太  
傅三公中二千石二千石郡國守相舉賢良方正能直言極諫之  
士各一人

後漢  
章紀

封賈復子邯陰興子員詔

元年四月丙戌

蓋褒德賞功興亡繼絕所已昭孝事親已旌善人故仁不遺德義  
不忘勞先王之令典也故特進膠東侯賈復佐命河北列在元功  
衛尉陰興忠貞愛國先帝休之今興子博復孫敏頑因失道自陷  
削已喪爵土朕甚憐之其封復子邯爲膠東侯興子員爲潁強侯

袁宏後漢

紀十一

貶阜陵王延詔

十一月

王前犯大逆罪惡尤深有同周之管蔡漢之淮南經有正義律有明刑先帝不忍親親之恩枉屈大法爲王受愆羣下莫不惑焉今王曾莫悔悟悖心不移逆謀內潰自子魴發誠非本朝之所樂聞朕惻然傷心不忍致王于理今貶爵爲阜陵侯食一縣獲斯辜者侯自取焉於戲誠哉

後漢阜陵侯王延傳

舉察奢僭詔

二年三月辛丑

比年陰陽不調饑饉屢臻深惟先帝憂人之本詔書曰不傷財不害人誠欲元元去末歸本而今貴戚近親奢縱無度嫁娶送終尤爲僭侈有司廢典莫肯舉察春秋之義曰貴理賤今自三公竝宜明糾非法宣振威風朕在弱冠未知稼穡之艱難區區管窺豈能照一隅哉其科條制度所宜施行在事者備爲之禁先京師而後

諸夏

後漢章紀

切責竇憲詔

三年

深思前過奪主田園時何用愈趙高指鹿爲馬久念使人驚怖昔永平中常令陰黨陰博鄧疊三人更相糾察故諸豪戚莫敢犯法者而詔書切切猶曰舅氏田宅爲言今貴主尙見枉奪何況小人哉國家棄憲袁宏紀作何況小民哉難彫之人不可汲引吾捐棄故等如孤雛腐鼠耳後漢書憲傳又見袁宏後漢紀十一有刪節

詔賜賈貴人

建初四年八月甲午

賈貴人者奉侍先帝劬勞帷幄建初之後已至親供養長樂宮昏定晨省夙夜匪懈今賜貴人王赤綬安車一駟永巷宮人二百御府雜帛二萬匹大司農黃金千斤錢二十萬朕既早離皇太后幸復承子道中心依依昊天罔極袁宏後漢紀十一

使諸儒共正經義詔

四年十一月壬戌

蓋三代導人教學爲本漢承暴秦襲顯儒術建立五經爲置博士其後學者精進雖曰承師亦別名家孝宣皇帝已爲去聖久遠學

不厭博故遂立大小夏侯尚書後又立京氏易至建武中復置顏氏嚴氏春秋大小戴禮博士此皆所已扶進微學尊廣道藝也中元元年詔書五經章句煩多議欲減省至永平元年長水校尉儵奏言先帝大業當以時施行欲使諸儒共正經義頗令學者得已自助孔子曰學之不講是吾憂也又曰博學而篤志切問而近思仁在其中矣於戲其勉之哉

後漢章紀

日食舉直言極諫詔

五年二月庚辰

朕新離供養愆咎眾著上天降異大變隨之詩不云乎亦孔之醜又久旱傷麥憂心慘切公卿已下其舉直言極諫能指朕過失者

各一人遣詣公車將親覽問焉其已巖穴爲先勿取浮華

後漢章紀又見

袁宏後漢紀十一作上天降異止于朕躬非羣司之咎其咎朕而已公卿云云

禱雨詔

二月甲申

春秋書無麥苗重之也去秋雨澤不適今時復旱如炎如焚凶年

無時而爲備未至朕之不德上累三光震慄切切痛心疾首前代聖君博思咨諏雖降災咎輒有開匱反風之應今予小子徒慘慘而已其令二千石理冤獄錄輕繫禱五獄四瀆及名山能興雲致雨者冀蒙不崇朝徧雨天下之報務加肅敬焉

後漢章紀

糾舉獄吏詔

三月甲寅

孔子曰刑罰不中則人無所措手足今吏多不良擅行喜怒或案不己罪迫脅無辜致令自殺者一歲且多于斷獄甚非爲人父母之意也有司其議糾舉之

後漢章紀

己直士補任外官詔

五月辛亥

朕思遲直士側席異聞其先至者各己發憤吐懣略聞子大夫之志矣皆欲置于左右顧問省納建武詔書又曰堯試臣己職不直己言語筆札今外官多曠竝可己補任

後漢章紀

沛濟南等四王勿名詔

七年正月



禮云伯父歸寧乃國詩云叔父建爾元子敬之至也昔蕭相國加以不名優忠賢也況兼親尊者乎其沛濟南東平中山四王讚皆勿名

後漢東平  
憲王蒼傳

廢太子慶立子肇詔

六月甲寅

皇太子有失惑無常之性爰自孩乳至今益章恐襲其母凶惡之風不可已奉宗廟爲天下主大義滅親況降退乎今廢慶爲清河王皇子肇保育皇后承訓懷衽導達善性將成其器蓋庶子慈母尚有終身之恩豈若嫡后事正義明哉今已肇爲皇太子

後漢清河孝王

慶傳

賜公卿助祭錢詔

八月甲辰

書云祖考來假明哲之祀予末小子質又菲薄仰惟先帝烝烝之情前修禘祭已盡孝敬朕得識昭穆之序寄遠祖之思今年大禮復舉加已先帝之坐悲傷感懷樂已迎來哀已送往雖祭亡如在

而空虛不知所裁庶或饗之豈亡克愼肅雍之臣辟公之相皆助

朕之依依今賜公錢四十萬卿半之及百官執事各有差

後漢章紀

手詔賜東平王蒼

八月

骨肉天性誠不以遠近爲親疎然數見顏色情重惜時念王久勞

思得還休欲署

袁宏紀作歷時欲署

大鴻臚奏不忍下筆願授小黃門中心

戀戀惻然不能言

後漢東平王蒼傳又見袁宏後漢紀十一有刪節

行秋稼詔

九月甲戌

車駕行秋稼觀收穫因涉郡界皆精騎輕行無它輜重不得輒修

橋道遠離城郭遣吏逢迎刺探起居出入前後已爲煩擾動務省

約但患不能脫粟瓢飲耳所過欲令貧弱有利無違詔書

後漢章紀

減刑詔

九月辛卯

天下繫囚減死一等勿笞詣邊戍妻子自隨占著所在父母同產

欲相從者悉聽之有不到者皆已乏軍興論及犯殊死一切募下

蠶室其女子宮繫因鬼薪白粲已上皆減本罪各一等輸司寇作  
亡命贖成罪入繯二十四匹右趾至髡鉗城旦舂十匹完城旦至  
司寇三匹吏人有罪未發覺詔書到自告者半入贖後漢章紀

詔敕荊州刺史謝夷吾  
後漢章紀

敕荊州刺史入傳錄見囚徒見長吏勿廢舊儀朕將覽焉後漢謝夷吾傳

注引謝承書御覽六百三十九引會稽典錄  
得銅器又獲白鹿詔十月丙辰

上無明天子下無賢方伯人之無良相怨一方斯器亦曷爲來哉

後漢章紀

令馬光就國詔八年

舅氏一門俱就國封四時陵廟無助祭先后者朕甚傷之其令許

侯思繼田廬有司勿復請以慰朕渭陽之情後漢馬防傳

切責李邑八年

縱超擁愛妻抱愛子思歸之士千餘人何能盡與超同心乎

後漢班超

傳案是時李邑已到于

閭知此是詔敕非面語也

詔班超

八年

若邑任在外者便畱與從事

後漢班超傳

東巡過菑縣詔

八年十二月

陳畱菑縣其名不善高祖鄙柏人之邑世宗休聞喜而顯獲嘉應

亭吉元符嘉皇靈之顧賜越有光列考武皇其改菑縣曰考城

水經

注坂水

令選高才生受古學詔

十二月戊申

五經剖判去聖彌遠章句遺辭乖疑難正恐先師微言將遂廢絕

非所已重稽古求道真也其令羣儒選高才生受學左氏穀梁春

秋古文尚書毛詩呂氏微學廣異義焉

後漢章紀又見袁宏後漢紀十二有小異

四科取士詔

十二月己未

辟士四科其一曰德行高妙志節清白二曰經明行修能任博學  
三曰明曉法律足以決疑能案章覆問才任御史四曰剛毅多略  
遭事不惑明足照姦勇足決斷才任三輔令皆存孝悌清公之行  
自今已後審四科辟召及刺史二千石察舉茂才尤異孝廉吏務  
實校試已職有非其人不習曹事正舉者故不曰實法也後漢和帝紀注  
細覽六百二十八竝引漢官儀  
案此光武詔章帝復申明之

### 勉勵邵訓詔

陳畱太守講授省中六年于茲經術明篤有匡生解頤之風賜錢  
三十萬及刀劍衣服居家之具御覽二百六十二引邵氏家傳邵

傳作邵馴

給流民公田詔元和元年二月甲戌

王者八政曰食爲本故古者急耕稼之業致耒耜之勤節用儲蓄  
已備凶災是已歲雖不登而人無饑色自牛疫已來穀食連少良

由吏敎未至刺史二千石不己爲負其令郡國募人無田欲徙它界就肥饒者悉聽之到在所賜給公田爲雇耕傭賃種餉貰與田器勿收租五歲除算三年其後欲還本鄉者勿禁

後漢章紀

禁酷刑詔

七月丁未

律云掠者唯得榜笞立又令丙箠長短有數自往者大獄已來掠考多酷鉗鑽之屬慘苦無極念其痛毒怵然動心書曰鞭作官刑豈云若此宜及秋冬理獄明爲其禁

後漢章紀

改元元和詔

八月癸酉

朕道化不德吏政失和元元未諭抵罪于下寇賊爭心不息邊野邑屋不修永惟庶事思稽厥衷與凡百君子共弘斯道中心悠悠將何已寄其改建初九年爲元初元年郡國中都官繫囚減死一等勿笞詣邊縣妻子自隨占著在所其犯殊死一切募下蠶室其女子宮繫囚鬼薪白粲已上皆減本罪一等輸司寇作亡命者贖

各有差

後漢章紀

蠲除禁錮詔

十二月壬子

書云父不慈子不祗兄不友弟不恭不相及也往者妖言大獄所及廣遠一人犯罪禁至三屬莫得垂纓士宦王朝如有賢才而沒齒無用朕甚憐之非所謂與之更始也諸已前妖惡禁錮者一皆蠲除之已明棄咎之路但不得在宿衛而已

後漢章紀

審試嚴崇子宣詔

元年

崇子學審曉律別其族協其聲者審試不得依託父學已聾爲聰聲微妙獨非莫知獨是莫曉已律錯吹能知命十二律其中不失一乃爲能傳崇學耳

續漢律麻志上又晉律麻志六宋書麻志一崇作嵩

召嚴宣補學官主調樂器詔

嵩子學審曉律別其族協其聲者審試不得依託父學已聾爲聰聲微妙獨非莫知獨是莫曉已律錯吹能知命十二律其二中不

失一乃爲能傳嵩學耳

晉律麻志六

詔告廬江太守東平相

元年

議郎鄭均束脩安貧恭儉節整前在機密已病致仕守善貞固黃髮不怠又前安邑令毛義躬履遜讓比徵辭病浣潔之風東州稱仁書不云乎章厥有常吉哉其賜均義穀各千斛常曰八月長吏存問賜羊酒顯茲異行

後漢鄭均傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷四終